

HOOFSTUK 6: PENKOPPE EN DRAWWERTJIES

1. INLEIDING

Penkoppe en Drawwertjies is jeuglede van *Die Voortrekkers* soos in hoofstuk 3 van die reglemente omskryf.

2. ALGEMEEN

2.1 Spanstelsel

2.1.1 *Die Voortrekkers* gebruik die spanstelsel vir die uitvoering van sy werksaamhede. Dit beteken dat 'n aantal jeuglede (verkieslik in dieselfde skool graad en van dieselfde portuurgroep) in 'n span ingedeel word wat saam met 'n volwassene (as 'n spanoffisier) die voorgeskrewe werk deur gereelde (verkieslik weeklikse) spanbyeenkomste afhandel. Die stelsel het die voordeel dat die Penkoppe en Drawwertjies in klein groepies die geleentheid kry om mekaar te vorm en om vrymoedigheid tot deelname te oefen.

2.1.2 Indien 'n jeuglid buite die onmiddellike grense van 'n Voortrekkerkommando met sy Voortrekkerwerk wil voortgaan moet dit geskied ooreenkomstig die bepalings in hoofstuk negentien (19) van die Reglemente.

2.2 Voorgeskrewe werk vir Penkoppe en Drawwertjies:

2.2.1 Graadwielwerk

Dit is werk wat elke jaar afgehandel moet word om die Penkop en Drawwertjie te lei dat hy aan die einde van sy Penkop- en Drawwertjieloopbaan grootliks voldoen aan die doelstellings wat deur *Die Voortrekkers* gestel word.

2.2.2 Spesialisasies

Dit is werk wat bo en behalwe en aanvullend tot die graadwielwerk gedoen kan word om aan die Penkop en Drawwertjie die geleentheid te bied om te spesialiseer in 'n onderwerp binne sy belangstellingsveld, maar steeds binne die raamwerk van die doelstellings van *Die Voortrekkers*.

2.3 Literatuur

2.3.1 Handleiding vir offisiere

Daar is vir elke jaar 'n handleiding vir die betrokke graadwielboek beskikbaar vir die spanoffisier. Dit bevat al die inligting wat die spanoffisier nodig het om die verskillende onderwerpe in die betrokke jaar aan te bied.

2.3.2 Werkboek vir Penkoppe en Drawwertjies

Daar is ook 'n *Werkboek* vir elke jaar beskikbaar. Dit bevat die werk wat elke Penkop en Drawwertjie moet deurwerk vir die suksesvolle voltooiing van die loopbaanplan.

2.3.3 Spesialisasies vir Penkoppe en Drawwertjies

Dit bevat die vereistes vir elke spesialisasie, asook riglyne en hulpmiddels wat vir die aanbieding daarvan gebruik kan word.

2.4 Assessering

Elke kommandobestuur bepaal die manier waarop die Penkop en Drawwertjie se graadwielwerk en spesialisasies geassesseer word aan die hand van die riglyne soos in hoofstuk tien (10) van die Reglemente omskryf.

2.5 Inlywing

2.5.1 'n Penkop en 'n Drawwertjie kan aan die begin van enige graad as lid van *Die Voortrekkers* aansluit of ook gedurende die jaar.

2.5.2 Die werkstuk oor Inlywing moet met elke nuwe Penkop en Drawwertjie deurgewerk word voordat hy ingelyf kan word.

2.6 Erkennung dat 'n kenteken vir 'n spesialisasie verwerf is

Die kommandobestuur of ander betrokke bestuursliggaam reik aan elke Penkop of Drawwertjie 'n sertifikaat en kenteken uit nadat hy aan die vereistes vir die betrokke Spesialisasie voldoen het. Die kenteken word op die voortrekkerdrag aangebring soos in hoofstuk ses-en-twintig (26) van die Reglemente, bepaal.

3 GRAADWIELWERK VIR PENKOPPE EN DRAWWERTJIES

3.1 Indeling van graadwielwerk

Die Penkop- en Drawwertjie-werk word in grade verdeel en by die voltooiing van elke jaar se werk, verwerf hulle 'n graadwiel wat volgens die voorskrifte soos in Hoofstuk ses-en-twintig (26) op die erkenningsbaadjie aangebring word. Graad nul (0/R) het vanaf 2006 Penkop en Drawwertjie status.

Graadwiel	Graad in skool	Toekenning
0	Graad 0/R	Graadwiel - wit
1	Graad 1	Graadwiel - oranje
2	Graad 2	Graadwiel - groen
3	Graad 3	Graadwiel - blou
4	Graad 4	Graadwiel - rooi
5	Graad 5	Graadwiel - silwer
6	Graad 6	Graadwiel - goud
7	Graad 7	Dagbreek Graadwiel

Die vereistes vir elke jaar se graadwielwerk word behoorlik in die literatuur, wat deur die Nasionale Komitee Penkoppe en Drawwertjies saamgestel is, omskryf.

'n Penkop en Drawwertjie kan op enige tydstip aansluit en met die graadwielwerk, wat vir die betrokke jaar voorgeskryf is, begin.

Slegs 'n Penkop en Drawwertjie wat sy skoolgraad herhaal, mag na 'n volgende graad in Die Voortrekkers aanbeweeg (indien dit sy keuse is).

3.2 Spesiale toekenning

3.2.1 In sy Graad sewe (7)-jaar kan 'n Penkop en Drawwertjie wat aan die vereistes voldoen, in aanmerking kom vir die *Voorslag-Penkop en Drawwertjietoekenning in Brons, Silwer of Goud*. Die vereistes word in die Voorslag prospektus uiteengesit en word gereeld hersien.

3.2.2 Hierdie is Nasionale toekennings wat toegeken word nadat die Penkop of Drawwertjie een van die Voorslagkampe bygewoon het wat deur NK Penkoppe en Drawwertjies georganiseer word in die onderskeie Gebiede.

3.2.3 Uitslae van Voorslagkampe

- Die uitslae is finaal en geen aanpassings word gedoen nie.
- Al die kandidate wat die vasgestelde slaagsyfer behaal het ontvang die Voorslag toekenning in Brons, Silwer of Goud.
- Die betrokke gebiedsdagbestuur bemagtig die Voortrekkerkommando om hierdie toekenning aan die Penkop of Drawwertjie by spesiale geleenthede uit te reik onderworpe aan die bepaling in hoofstuk 11 paragraaf 2.5 van die reglemente.

4. SPESIALISASIES

4.1 'n Penkop en Drawwertjie kan op enige stadium vanaf Graad een (1) spesialisasies doen, onderworpe aan die graad en tydsduur vereistes wat vir elke spesialisasie voorgeskryf is.

4.2 Die spesialisasie word deur tydsduur en moeilikheidsgraad geklassifiseer.

4.3 Spesialisasies is opgestel om by die kind se ontwikkelingsvlak aan te pas.

4.4 Penkoppe en Drawwertjies kan hulle keuse uit enige van die spesialisasies vir die betrokke jaar maak. By die keuse van 'n Spesialisasie, hou in gedagte die vereistes wat vir die Voorslag- Penkop en -Drawwertjie toekenning gestel word. In uitsonderlike gevalle kan slegs twee (2) spesialisasies uit die vorige ouderdomsgroep gedoen word. Spesialisasies mag nie 'n graad vooruit gedoen word nie.

- 4.5 Die tydsduur van spesialisasies is as volg: Die tyd wat aangedui word is die minimum aantal kursusure en meer tyd kan spandeer word.
A is vyf (5) ure.
B is nege (9) ure.
C is agtien (18) ure.
- 4.6 Die Spesialisasie kan óf individueel óf in groepsverband afgehandel word.
- 4.7 'n Verkennerspesialisasie kan deur 'n Graad sewe (7) jeuglid gedoen word na afhandeling van die betrokke gebied se Voorslag Penkop- en Drawwertjiekamp, tot 'n maksimum van twee (2) spesialisasies vir die oorblywende deel van die jaar, maar die toekenning kan eers verwerf word nadat die betrokke jeuglid geregistreer is, as Verkenner, in die daaropvolgende jaar.